



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六三二

求真是齋詩草二卷 愛新覺羅恩華撰

一

桐華竹實之軒詩草二卷 謙福撰

五九

叩槃集一卷 退厓公牘文字五卷 洛中吟一卷 後洛中吟一卷

洛言一卷 賈臻撰

一三五

如京集二卷 賈臻撰

三四一

句溪雜箸六卷 陳立撰

三六七

顯志堂稿十二卷 附夢柰詩稿一卷 馮桂芬撰

四一七

# 求真是齋詩序

序

詩之爲言思也有所思而後取諸懷抱著爲詠歌也  
川草木雲煙花鳥之生於吾懷者感悲憤鼓舞  
忻之觸乎境有勃然而不可遏者遂筆以抒寫其情  
情而流露其梗概積中發外理固然也經履詩書天  
潢支派貴胄家聲列侍從而衣染爐香近 天顏而  
班聯槐棘敏而好學博古多聞迺直後輒手執一編  
彬彬然搢謙自抑從不以祿位驕人余館選時每值  
廷試卽與晤談傾心已久逾十年共事中樞益親  
手采素稔其詩才清麗不屑於規唐撫宋自能別具

求真是齋詩序

風騷神與古會然終不肯以詞藻自矜故其能詩也  
人罕知之未幾歸道山致有人琴之感辛酉仲夏  
令嗣旌伯侍衛出其刊稿二卷屬題展讀再三愛不  
釋手如行山陰道上千巖萬壑使人應接不暇時而  
託物興懷有悱惻纏綿之致時而得心應手有光明  
磊落之奇並喜旌伯能讀父書而克承先澤也遂接  
冗而爲之序

咸豐十一年孟秋上旬芝生瑞常拜稿

求真是齋詩草卷上

宗室恩

華臧庵甫著

蜀東王正璽伯章甫訂

子婿錫璋奉之甫刊

古近體詩

追和沈石田落花詩十首元韻

寥落芳菲雨後容堂坳苔砌見遺蹤翻翻蝶使殷勤  
覓泛泛漁舟次第逢村旆幾家人似蟻大隄何處馬  
如龍不堪經眼韶華歇桑柘成陰草色濃

黃鶴樓中一曲歌紛紛委地燕泥和林亭今日認肥  
瘦風雨昨宵知少多溼粉細飄飛片片暖紅輕颺舞

求真是齋詩草上

娉娉何當苔蘚迷游徑金埒橫鞭懶再過

探春翻作送春行紅粉辭枝墮地輕弄雨斜侵蛛網  
溼點波時見浪紋平白分舞絮同鋪影香撲層簷似  
有聲待到明年還上已破顏一樣好風迎

忽開忽謝事茫茫鷓鴣一聲喚落芳簾外看來空色  
相枝頭覓處有餘香補巢社燕渾無力抱蕊游蠶爲  
底忙堪笑兒童爭拾取簪冠騰踏少年場

色褪牆頭暗比鄰燕支點綴綠苔勻雨來天上禪誰  
解夢到毫端筆有神自喜成茵當坐簞豈能場徑迓  
閒人扶筇試把關干凭展齒香黏一掬春

鈿車寶馬舊游蹤繡帶紅葩踏作泥醉酒曲江人寂  
寞賞心庭院韻清淒惜香賸有蝶蠶戀妬色忽經風  
雨擠打點詩囊付奚背遨頭隨處好畱題

莫道東君去不來殘枝著意且培栽瓣香隨水原無  
滓國色經春依舊開謝盡繁華辭帳護嚙來餘豔要  
詩陪此時難遣登樓興極目蒼涼錦繡堆

高低故故舞筵前回盼東風亦解憐章曲千株曾惱  
客維摩一室好安禪香依茶竈飄來細影趁苔錢印

處圓祇爲千金容易換遂教瞥眼變嬾妍  
餞春曾約隔年期眼底榮枯漫作思僂指不悲烏兔

求真是齋詩草上

速深情未許鴉鶯知長沙五月江城笛南國當年樂

府詩轉瞬清明一百六傳紅風信綴新枝  
分黃翦綺繪天工天道靡常春欲窮點點飄零隨夜  
雨紛紛開墮付東風無心上苑權辭鞦韆對蘭臺已  
避驄敢羨大方八十首石田三十首文衡山徐禪卿  
首庚歌玉白唱花紅

露亭兄招飲涉園見壁閒王義亭先生詩因步

元韻

壁閒誰氏陽春曲調絕和聲無人屬涉園主人癖於  
詩按羅古今常不足新顏別館更清幽靜日悠然對

修竹好客曾傳投轄名座上無梅不芳蘇繼夜鐙搖  
燭影紅橫窗月瀉瓊玕綠有時寄傲學楚狂高枕清  
酣夢一局閒說去年春夏時醴設穆生師誼篤義亭  
茶農兩先生風流不被禮拘束清談暢飲結古歡後  
來繼者誰其續觀詩悵快恨無絲摩挲負此便便腹  
我本杜陵舊窮愁身居執袴謝華縵糞羣雖未一顧  
空且向騷壇學逐鹿今朝花萼敦棣棠醉嗅梅花春  
可掬回看壁上先生詩筆墨精英文郁郁

讀史

擊筑空懷高漸離壯心磊落有誰知宵衣幾爲荒雞

求真是齋詩草上

三

舞白眼何妨芻狗噬奏賦相如猶待價救時居易欲  
陳詩可憐千古柯亭笛不遇徽之向孰吹

中春十六日月蝕

碧落蟾蜍薄人閒鐘鼓喧今宵方魄望底事偃弓痕  
素質誰欺影嬋娟可斷魂開情輪士女擊鑑叫天聞

次慎裕齋落花詩元韻二首

鄭重花朝惜寸旬賞花曾爲酌芳醕可憐昨夜飄風  
劇不道今年紅雨頻此日綠陰何黯黯當時名句亦  
恣恣且將落蕊閒收拾休掃香階亂迓人  
消渴愁醒爲底傷落紅無語意徊徨餘香在樹鶯聲

消片豔過牆蝶舞忙輕趁茶煙風疊錦亂鋪泉石水  
分芳誰家雅韻傳三輪一曲春城遠擅場

次慎裕齋自述三首

身世難爲續脛鳧優游且事醉三瞞夢中蛺蝶時時  
見官局風塵恰恰無未必今生隨浪逐不妨他日入  
雲呼廣陵調絕誰相賞靜夜孤桐月與吾

蹉跎直欲等黃頰休向文壇學執柯生妬羣儕總謔  
詠當場國色漫嘖蛾堪嗤窺管會何解卻惜雕瓊費  
枉多是後好須歸淨域禪關大可伏詩魔

蛇神牛鬼幾接求慚愧無知蟋蟀秋漫謝同人擁瓊

求真是齋詩草上

四

疵直教大雅笑癡疣困於章句差稱癖苦守鐙甕竟  
類囚歌向郢中應和寡從他指點說冠猴

再疊落花詩韻十首

問津何處覓芳容再返漁郎失故蹤腹有青蕙迷遠  
望不妨紅粉隔年逢夢來香國身疑蝶飄入清波護  
倩龍小憩石闌煩細數夕陽無那晚煙濃

漫唱東陽白苧歌鞦韆院宇冷香和從前自恨春游  
少此後還憐詩債多對酒誰能不蕭索臨風我亦效  
婆娑閉門底事關情甚生怕行人狼藉過  
春殘無計看花行花落年開去就輕午夜飄風侵戶

入曉寒吹雨疊茵平淒涼百舌殷勤問惻悵黃鸝斷  
續聲懊惱故枝留不得多情舞袖作逢迎

登高雲海望微茫賦惜餘春餞落芳曲沼效顰波沈

錦柳花伴舞絮分香芬菲自識繁華易樽酒誰家迎

送忙回首不堪三輔客綠陰寂寞打毬場

露泣煙愁遠近鄰蒼苔細草落紅勺箇中喚豔者誰

子天上司香似不神點額漫妝傾國色沾衣誰是了

空人開酷一酌東君力拈起花枝笑問春

昨宵風雨滿庭蹊九十春光燕壘泥御府笙歌空著

怨翠樓月夜靜添淒嬌容奪色因成老醜綠欺貧反

文真集卷之二

五

見擠寄語劉郎明歲至元都試品舊時題

點點燕支錯落來當年曾爲賞心栽榮枯漫作悲歡

詠色相非同頃刻開此日畫圖畱省識一時名製得

追陪珠璣傾瀉三千斛卻問花飛積幾堆

蝶隊蠶衙忽不前花茵委地主人憐今朝相送休傷

別來歲重看如是禪渡水動隨魚戲幻融泥時印馬

蹏圓試觀枝上青青子未必天公誤麗妍

花花去去與誰期硯北騷人煞費思繪綵裁成煩想

像夢魂覺後總無知推敲幾犯昌黎仗瘦苦猶哦子

美詩解事兒童笑相慰瓶中猶有未殘枝

賴得騷壇點染工盈篇累牘意無窮烏虛解悟三千  
相輕薄吹開廿四風淡淡暮雲空宿鳥萋萋芳草卻  
嘶聽詩成再疊應誰謝落蕊殘英壓鬢紅

春郊卽景 季春朔日

踏踏芳郊迴絕塵馬蹏輕趁一鞭春蒼松嫩柳遙疑

畫細雨斜風最可人背郭雲煙迷野望出牆桃李豔

誰鄰東皇造化無窮已妙手將軍寫不真

季春二日昌平道上次清河壁間韻

山如螺髻水如鱗此地當年要路津沙塞連雲空極

目綠楊滿岸又殘春客程今日清明雨旅店誰家題

文真集卷之二

六

壁人捉筆塗鴉應自笑平生翰墨結緣親

次端友兄題阮雲臺淮海英靈集閨秀詩後韻

類別門分著作推詞壇不盡屬鬚眉秤量天下才無

幾詩到閨中名有誰驥附謝庭追往昔鹿爭淮海擅

當時摻羅想見雲臺叟翦燭評論煞費思

讀臨川湯若士邯鄲夢東左孟莪先生二首

匡牀倦倚讀邯鄲幻劫從頭拭眼看白屋何妨茅店

隘黃梁不耐客途寒羊裘卅載知誰問驢背平生得

意難試向夢中歌此曲吟魂顛倒可能安

詩有飽啖黃梁後吟魂徹夜安  
平生無夢幻穩睡向邯鄲句

聲價詞壇遠近傳誰將閉夢問臨川清風一蹇邯鄲  
客弱水三千方丈仙身世已休同泛梗功名豈必畫  
凌煙關情此枕歸何處孤負繁華六十年

題王蓮舫無雙譜後二十韻

本是無雙士眞成絕妙辭芸窗披往蹟采穎寫新詩  
龜鑑平前代鴻裁萃一時蘇張大手筆屈宋舊丰姿  
氣吐虹霓異聲鏗金石奇珠璣看錯落錦繡布參差  
翰墨煙霄客文章月旦師精心分勸誠瞭掌見妍媸  
才鬼妖魂並忠肝古誼垂龍標高唱徹摩詰久名馳  
俊逸纖濃句輕清淡遠思驥羣空轉盼牛耳有專司

求眞是齋詩草一

七

君以吟爲癖余慚書亦癡堅城排勁敵故局檢殘棋  
下里歌雖厭陽春和者誰嗣音猶學語跂足想窺籬  
自笑班門斧難投董子帷聳肩羞續尾負腹枉拈髭  
盥讀何嫌屢焚香再拜之願將鈔萬本不惜膺肝腑

螢火

熠熠暗中行流螢似嗜名不甘同草腐頗喜傍書明  
花底囊何易星前辨未清爭輝光萬點疑到廣陵城

送恩榮輔侍任贛南二首

顏酖酒醉管絃收攜手河梁古渡頭一載金蘭淒別  
淚數行楊柳悵新愁塞鴻好寄平安信橋燕難畱去

求眞是齋詩草

客舟正是布帆風順日願隨流水夢虔州

輕塵雨浥短長亭把袂臨歧日向隕風笛聲來歌正  
咽暮鴉曉處酒方醒魂銷煙樹遮帆影目極雲天望  
斗星心託羣山遠相送西江萬里一窗青

題張茶農先生一池明月浸梨花圖

明月印清池梨花弄素姿冰輪空相色冷玉濯漣漪  
影共回波皺香因靜夜知丹青名手擅畫句學王維

前題次霽亭兄韻

何處寒泉響夜涼梨花院宇月華濃幽香襲袂人方  
立密影驚魚水自溶浪疊玲瓏篩素魄煙凝空碧霽

文眞是齋詩草二

八

春容雲林妙製今猶在誰步先生絕世蹤

送王蓮舫幕贛南

挑鐙幾度悵停雲一曲驪歌又送君翰墨新緣畱別  
賦青箱舊業策奇勳才名江右推鴻博駿足燕臺冠  
驥羣幕府暫棲鸞閣客他年聲價九皋聞

端友兄畫紅竹率占

瀟湘之浦近塵寰萬籊千竿杳靄閒想見零陵當日  
哭英皇血淚漬斑斑

憤裕齋遺霽亭兄美人團扇戲作香奩體用裕

齋和霽亭兄夏晚見寄元韻



掌上天魔舞罷時，幽軒開處曉風颺。羅衣寬褪鶯偏瘦，繡枕斜欹起慣遲。撩亂心情憑自遣，支持春病倩誰醫。知君遺扇含深意，似索西崑豔體詩。

日上簾鉤乍起時，羅幃半掩颺微塵。星煒妝鏡匿塵斂，香奩金狹篆影遲。宿酒未醒催煮茗，春慵無力待延醫。凌風不解畱仙佩，惆悵騷人團扇詩。

晝寢用思元主人祛字韻

炎日無容來世情，半相疎掩卷試就枕。假寐復何如，軒楹敞四面。快風時襲裾，坡翁昔有言。攤飯及澆書，我既醉且飽，坦腹心神據。覺來日西下，窗移花影舒。

求眞是齋詩草上

九

穉穢宦途人，輸我臥徐徐。獨醒雖不敢，磊塊早消除。優游此中趣，雅勝賦閒居。無爲對敝廬，緬逸懷古初。孝先倡其首，圖南賈其餘。臥聞經累月，瀟灑孰繼渠。我亦似希古，徒壁空無儲。嗜眠同崑老，一局自清虛。詩成尋故夢，悠然塵累祛。

六月晦夜雨

扶肩匡牀夢未成，微風吹雨入簷楹。透來簾幕涼生爽，潤到花欄香散清。螢不爭禪暗流火，鶴猶警睡喚深更。年華歎息秋將至，聽足芭蕉一夜聲。

次霽亭兄述懷用思元主人祛字韻

華閩車馬盈柴門，履迹疎駁骨誰樂。殺肺疾似相如，棲遲總無益。何不曳長裾，王侯宅雖迴。吹噓尺素書，彈冠羨時輩。絕塵驥足據，安得梯雲技。騰翼凌風舒，白眼一回顧。穩步自紆徐，炎涼走世態。翹翹費驅除，爭據要路津。無復林泉居，世界本遽廬。幾人賦遂初，縮首羞匏繫。紛拏雞肋餘，豈如此高臥。名利任伊渠，酒甘家秫釀。書富傾囊儲，鳳歌固狂放。差強賦子虛，閒來對修竹。俗事日以祛。

七夕

迢迢銀漢靜雲浮，靈匹星期又一秋。幾度神仙凌鶴

求眞是齋詩草上

十

駕誰家兒女上，鍼樓當筵瓜果情。難罄開盒蛛絲巧，盡收我似無心。望天闕清渠看印月如鉤。

仿慎裕齋何處有眞意六首

何處有眞意，深更寂坐時。對窗花映月，聞笛夜敲詩。舊雨琴書雅，秋風夢枕宜。斯時堪樂否，清潔寸心知。何處有眞意，秋圃聽雨時。夢寒蕉下鹿，聲亂竹間棋。點石蒼苔滑，傾珠翠蓋欹。斯時堪樂否，雅趣寸心知。何處有眞意，挑燈讀史時。金莖消肺渴，匡鼎解人頤。早識尊鱸味，還生松菊思。斯時堪樂否，瀟灑寸心知。何處有眞意，匡牀偃臥時。漆園明物化，仙枕謝情疑。

梧桐今安在惺惺已罷思斯時堪樂否一局寸心知  
何處有真意清渠引釣時煙霞稱舊癖花月志新詩  
濯足歌頻度投竿起卻遲斯時堪樂否高尙寸心知  
何處有真意開筵話舊時忘形到爾汝刮目更伊誰  
暢足金蘭契吟酣白雪詩斯時堪樂否知己寸心知  
次愼裕齋深閨未嫁時韻

何處有真意深閨未嫁時到春偏早起對月不顰眉  
七夕鍼穿巧花朝綵勝奇斯時堪樂否幽素寸心知  
荷聲

敲香擊翠聽來清夢警荷喧夜雨聲濃點田盤珠欲

次眞是齋詩草上

十一

瀉細搖白羽浪時鳴花心滴碎如無語蕉葉音和似  
有情滌垢最憐秋韻肅短檠明滅促詩成

送福瀛仙明府赴遼山東二首

再唱驪歌拈舊題長亭送客夕陽西東流逝水催帆  
影北騎歸轅帶馬蹏郵驛頻勞訊魚雁關山休悵隔  
燕齊佩刀解盡無堪贈夾岸青青弱柳低  
蜚聲翰苑懶棲遲齊魯名區快主持悃悃琴堂新治  
譜風流文陣舊雄師雙鳧應化神仙鳥五馬期瞻太  
守塵轉瞬榮歸還把袂河梁何必悵分離

次元思主人詠美人風箏詩元韻二首

求真齋詩草

恍疑月殿度嬋娟脫手飛昇雲步翻霞珮繫裙情戀  
戀霓裳按拍舞仙仙直窮霄漢清風御不斷塵緣弱  
線牽可惜靈丹空九轉棲遲祇在夕陽邊  
翹望雲端尙絆鞦韆直可入幽微鬪寒已較羸青  
女掌夢何勞覓玉妃蕩漾晚風翻霧袂陸離春色絢  
霞衣碧霄尺五高無際賴得柔絲幾百圍

次靄亭兄酌桂詩元韻三首

再對蟾宮泛羽觴一枝攀折孕天香姮娥未肯垂青  
盼贏得塵寰作嫁裳

爲尋秋色破蒼苔醉眼看花數倒疊泛泛樽中香人

次眞是齋詩草上

十二

骨可能調鼎佐鹽梅

秋芳滿院向誰開滑粹香醪試潑醅此日巴人歌載  
頌他年祥兆竇家才

酬靄亭兄詠桂

兩袖天香散當軒盛宴開花梢低掩月芳氣暗侵杯  
玉兔三秋魄陳思八斗才何時許相過詩酒共追陪

再疊前韻

露溼無聲夜秋高桂自開異香天雨粟小酌容傳杯  
酒負梯蟾與吟慚倚馬才姮娥應竊笑枵腹謬相陪

對月憶桂復用林字韻東靄亭兄

七

爛漫秋光盛重陽並菊開好邀天上月來照掌中杯  
落帽香生鬢聯吟腹負才夜深誰與伴孤影素娥陪  
重陽十五夜對月

耿耿星河一鏡浮中秋恰過又三秋煙籠桂樹香侵  
袂露溼黃華月在頭幾處砧春寒斷續鄰家絲管夜  
優游團樂皓魄今猶昔開府風流再上樓

夜雨

細雨爲誰淋堪憐月夜陰似添酥篔簹喜倍愴旅人心  
腐草肥螢火傷秋瘦菊金無私天造化何處被恩深  
次靄亭兄落絮詩韻

次靄亭兄落絮詩韻

三

贏得家家兒女收鷓鴣聲裏喚歸休紅花伴雨隨鋪  
簾白雪旋風亂捲毳飛入簾櫳揜過燕飄來溪水迅  
輕鷗獨憐少婦深春思徒倚樓闌悵陌頭

冬夜消寒偶拈蝶字卽占

苦隨春色費翩躚細草香花著意憐何處蟻喧翻粉  
版一聲蟬咽泣秋煙伶俜欲比黃華瘦綽約還歸蒙  
叟禪寄語金閨好收拾隔牆桃李又明年

酬端友兄紀

賜炙野菟見東因賦十韻

珍饌傳山彘燔宜味倍鮮

燔宜二字  
出艾子

寵優分尙膳

恩渥紀終年正席器無寫頒嘗著必先乍經香入齒  
應佐酒如泉塞獵歸寒雪官庖惹

禁煙芳腴馥松實甘飫擅瓊筵何處駝峰紫偏多鹿  
尾妍馮焉慚伴食飽也愧徒懸尸素將安補廣慶借  
一宣鹽梅苟有濟餘事謝腥羶

嘉平十五夜月

蕩滌寒空斂晚煙清光贏得此宵圓漫輪桂魄三秋  
夕絕勝今年十一天舉酒未妨成獨醉憑闌應是不  
須眠露盤曉暈知何處碧瓦霜華盡夜偏

次靄亭兄落絮詩韻

十四

正月二十三日木冰

似雪疑霜異重輕朦朧望眼墮飛雲苔痕不改春來  
綠樹杪新妝曲裏瓊桃李卻嫌脂粉氣柏松姑抑翠  
蒼名可能當午開紅日玉蕊瑤花一瞬傾

輓劉柏鄰 東王羲亭先生二首

相逢暫別遽長辭痛哭徐陵共阿誰百歲功名輪鐵  
筆平生瀟灑付絃絲青鐙緬想江淹恨黃土應餘宋  
玉詞回首不堪翻舊譜雲章露篆亦淒其

建安才子古風流地下修文土一抔幾輩詞壇咸重  
邈可憐江錦不傳邱詩成蠟滴前宵淚調絕絃寒隔

歲秋往年重陽月相最許清狂師未得鐵毫金管幻  
浮海

閒步

試向東風問訊花  
惠園閒步起棲鴉  
望中樓閣如經  
別過眼煙雲儘許誇  
往事不須空想像  
一年幾度換  
韶華天涯贏得春多少  
嫩柳梢頭趁晚霞

中春十五夜月蝕

造化果何物  
頻年犯太陰  
去歲是月當圓  
驚晦斂不  
盡尚鉤沈  
豈料光明極  
偏嗟障礙深  
桂宮如有識  
盈缺漫勞心

文真是齋詩五

二五

春閨四首

春來無計遣春愁  
日日臨風獨倚樓  
紅杏比鄰誰駐  
馬綠楊兩岸客  
維舟尋香粉蝶低  
垂翅得意黃鸝巧  
嚙喉惟有深閨春  
隔歲燕泥依舊在梁頭  
豔李穠桃簇眼新  
幽閨少婦約眉顰  
千金良夜他鄉  
月一曲琵琶別院  
春歸路雲山勞入夢  
夕陽煙雨倍傷神  
最憐陌上條條柳  
不逐東風挽客輪  
粉褪黃消亂蝶蠶  
箇中春色許偏濃  
行知風景暗相  
換坐對韶華誰爲容  
燕睇窺簾成故事  
馬蹏踏月記芳蹤  
繽紛後日清明雨  
誰埽花茵疊錦重

求真是齋詩草

苦痕渺徑漫紆徐  
獨上高樓西北隅  
眼底煙雲空色  
相夢中風月半模糊  
懷人欲化江頭石  
恤國還羞漆  
室迂多少塞鴻難  
繫足一聲嘹唳碧天孤

答李鏡美先生問訊園花

愧之將軍報勞君  
訊好春韶華頗耐晚  
風景似需人  
樽酒他時會鶯花  
別樣新論文應得意  
何厭過來頻

嫁女行

嫁女復嫁女  
嫁女母心苦  
幾載費辛勤  
三年勞乳哺  
膝下曾無一日離  
長大翻謂他人父  
錦園繡裏掌上  
珠香鬪爭誇  
瑾與瑜色養難期  
媿老況一時千里惟

文真是齋詩五

二六

斯須臨歧依依捨  
不得今朝骨肉明朝  
客花信空憐  
寂寞春秋風何處  
送刀尺鳳笙龍管聽  
更悲傾囊罄  
囊付阿誰深閨生  
恐嬌癡憤中輓頻  
煩命戒詞攜手  
牽衣相對哭  
欲別難別惟頓足  
四座旁人淚暗彈  
千條畫燭光  
熒綠鄰家老姬解  
相勸亦爲揮淚淚成霰  
從知天下父母心  
生女生男何貴賤  
君不聞生男不  
如生女好生男埋  
沒隨百草生女猶可  
作門楣嫁女何須苦  
苦號

柳花

人眼顛狂甚行藏  
西復東陽春隋岸  
晚白雪謝庭風

九

葉底金衣惜街頭玉糝融青門輕棄擲收拾付兒童

天靈寺旁小庵 四月十九日

垂楊深處舊茅庵往迹依稀似可諳華表不歸新鶴

侶蓬萊竟屬老瞿曇昔住持為黃冠近易浮屠云重過桑海會彈

指再睹雲山幾駐驂無限劉郎前度感夕陽嗚鳥復

何堪

詠蓮效香奩體

懶逐東風點綵春亭亭宜水復宜人漫煩蠶蝶迷香

國忍向泥塗老色身載上蘭舟誰鬪豔夢回浦口倍

傷神嬌紅不及黃金久難免潘妃步惹塵

文真皇齋詩五上 十二

次靄亭兄追次杜樊川代人有贈十韻

斂卻上陽恨誰家屋貯金淒涼行雨夢訣絕似蘭心

把鏡妝臺寂傳梅客鯉沈難招蕭史鳳空理長卿琴

淹塞相思苦栽培舊惠深黛眉會侍筆寒夜罷聞砧

幾愴披香扇還霑司馬襟從人調錦瑟不憶抱宵衾

解珮休云誕乘鸞可嗣音明朝溝水去枉負越溪吟

再疊前韻

去矣昨朝日憑誰遺鈿金幾年為半臂何處結同心

翠帳香狔冷瑤臺玉鏡沈周郎猶按拍崔女漫悲琴

往事恩慚薄天緣分未深雙星耿耿銀漢孤月送秋砧

莫綰留仙帶虛遺拭淚襟有人尋故夢無力擁寒衾  
簷馬敲愁緒驪駒唱晚音多情屬江令采筆試長吟

三疊前韻應三兄端友主人教

珍惜韶華好春光寸寸金漫將花比靨爭許月知心

神擬魂猶醉相逢雁定沈牆東偷弄笛窗北暗挑琴

蓄意宵行怯多情蓮印深幾回莊蝶夢驚醒客鄉砧

何粉誰聯袂韓香尚滯襟星移當繡戶露重冷羅衾

對燕會憐影調鸚似解音不妨憑想像聊賦洛神吟

四疊前韻

佳人傾絕代一顧抵千金春惱司勳筆鬢憐西子心

文真皇齋詩五上 十一 一八

清時花悄悄促漏夜沈沈沈沈桃李誰家豔蓬萊解語琴

涵眸情已注巧笑意偏深白玉堪裁質元霜借擣砧

有緣通月杖無珮繫霞襟夢裏雙鴛鴦枕牀頭隻客衾

梵鐘開曉省暮鼓罷繁音騶舌慚何及鉛華謝往吟

次靄亭兄蛙鼓韻

羣鼓驚難合喧嗽勢未平池塘開兩部澤國競先鳴

風爽頻驚寐星稀欲亂更何當酒澆涼從此放淫聲

貧女詩八首

不向繁華逐好風漫疑金谷植芳叢窗寒背面勤刀

尺鏡暗晨妝謝粉紅北里輪囷春燕婉東牆桃李碧

蔥蘢阿誰爲作他人嫁費盡年年歷線工

深巷茅簷好奇蹤枳籬荆戶掩偏重風翻紅葉誰題  
字日灼嬌花難爲容枕簟漫勞思洛浦雨雲應不降  
巫峰墨香不及胭脂色卻免枝頭蝶與蠶

何處香塵踏寶幃獨拈鍼線倚殘釭似同月殿姮娥  
寡不共梁閒燕子雙畫就梅花裁素帳移來松葉印  
紗窗卻憐紅袖誰家女檀版金梅按舊腔

莫唱楊枝更柳枝桃根桃葉枉相思布襦不假珠雙  
繫執扇常憐手自持可有閒愁共蝶夢斷無春怨上  
蛾眉悲筋一曲斜陽晚翠館朱樓憶別離

求真是齋詩草上 七九

千紅萬紫豔芳菲幾樹梨花靜掩扉畫閣有人閒鬪  
草邊城戍客正思衣蠶桑自足生涯計綠帛無煩鴻  
雁飛最許孤征蓄深意春風不作一行歸

寒杵秋砧舊草廬荆釵衰布素羅裾自憐翹首還沈  
雁未必臨淵卻羨魚蘭質定能超世俗蓮花誰見沈  
泥於亭亭獨立稀同調方寸惟宜付碧虛

鸞鶴難甘雞鶩俱白門金屋迴相殊自經月旦分炎  
冷可信塵埃有瑾瑜瓊樹解憐南國孔寒花偏妬玉  
堂廬病窮那更嬌羞甚不慣臨風學倚爐

荒村不比芋蘿西桃渡非關故徑迷塵澆香花甘本

色苔斑積蘚自幽閨楚雲岫下誰求夢秦女城南久  
寒溪漫道春愁靜難遣去來一任子規嘯

冰

卓立喧炎世應回造化功凜疑凝朔雪爽不待西風  
信否寒裁質森然熱熾衷居人慎終始休倚泰山同  
消夏四詠

螢

耀耀復栩栩流光差自補慚愧讀書人花下頻囊取  
懷清人不知賈禍鳴不已可憐枵腹鳥側目柳葉底

蟬

戲水自怡悅扶起不盈尺兒童一揮手遂作竿上客  
晚市聚如雷鼓喙囂更甚營血果一飽終抱西風恨

蜻蜒

蟲

然癡書屋歌 有序

端友兄近號然癡以二字顏書室并作長歌  
見意命余和之

然癡書屋陋且卑然癡主人樂且怡尋常世事不著  
眼手把一卷時啞啞興來有酒獨斟酌顛倒樽罍差  
不惡一斗三斗玉山頽主人放歌揚清濁歌聲欲落

畫梁塵歌云一理復一身模糊天地孰可許歌有想

地一模糊悠悠世上孰可許等句此語混沌鑿天

真可憐紛紛市塵客有平生守處本自然蠅頭覓宅內

春郭上歌擲揄伎倆竟如何有我今大悟煙雲幾度過主人

誇癡不朽神仙有道即無為長謝閣浮翻覆手金蘭

之契有阿誰當日知音知不知主人歌竟願四座為

我賦賀然癡詩鳴序癡兮癡兮理也元時世爭新復

鬪妍惟癡目不眩華鮮惟癡耳不惑管絃長天高枕

日酣眠主人之意有在焉眾人交口皆非癡君獨領

首日然然鳴序癡兮癡兮理也元

月下聞笛六月十四日

白雲風不散聞笛月方清幾箇經星淡誰家曲韻鏗

露華翻舊譜寬序疊三更似是牆陰客偷傳桂殿聲

題壽屏四圖各十韻

牡丹

瓊島飛來種人閒第一芳檀心誇倒暈鳳尾謝包藏

色部真無亞花神久擅王魏家三月紫姚氏幾枝黃

貴客榮元圃奇葩列玉堂競開金百兩爭獻壽千觴

賞集名流寵姿妍時世妝闌周呈豔絕簾捲羨春長

錦幄笙歌韻瑤池曲宴張何當祝萊綵應惹舞衣香

藤蘿麗春

密極垂櫻綠縈迴繞古藤凌雲高欲並依柏茂同矜

蔓曲騰龍蟄陰森覆鶴朋巧藏春百倍深墨碧千層

扶老筇誰削無疆壽自徵漫誇羣卉萃獨許麗華勝

香淡微風度委饒宿露仍種分罌粟異豔喜翠蘿增

紫萼隨低映紅葩認上乘臺萊爭獻頌日月比升恆

菊秋海棠

雅重神仙列清居富貴儔不妨八月豔來伴菊華秋

籬伴香初發牆陰色正優妍妝遮素影酒律借花籌

羅袖黃金滿西風紅線浮南山真意得別景幾叢幽

誰擅徐家筆新開陶氏疇延齡推壽客濯錦認名流

春擬碧雞永時登玉笥游敬宜歌采采隨雁到虔州

靈芝水仙天竹蠟梅

閨苑春長在瑤臺四美俱冰霜爭綽約鈴帳費規模

枸樓幾何異羅浮夢豈誣靈根傾琥珀竹葉綴珊瑚

翠羽呈三秀青精定幾株考祺眉壽兆令德配元符

金玉姿相豔丹鉛品自殊科名爭飾彩釐蝦試標圖

草木推王者東風謝並驅登樓望庾嶺香到畫屏無

七夕

爛銀鉤控晚煙清爽足高秋籟寂聲玉宇無風雲駕  
緩碧泓生浪鵲橋平雙星千古期今夕孤柝明朝續  
五更試向中宵聽哭泣一天涼露野蛩鳴

八月二十八日初霜有作

桂老金秋晚菊芳白露凝月華增冷豔楓葉欲紅蒸  
野戍衣應授來賓雁已微堪憐板橋迹贏得客思興  
重陽十一日晚過故老宅

故老今遺愛與思感鵲巢詎憐顏凜鐵爭忍笑藏刀  
後輩禪中蟲羣儕沙裏螯詩成動餘韻大樹晚風號

文真是齋詩直一

三三

秋宵不見月

紅紗難卻坐論文望斷星河夜欲分貝闕珠宮深晦  
斂玉簫金管任紛紜寸陰似惜東籬菊薄障誰開霄  
漢雲萬里霜華爭獨冷露盤高處尙細縷

秋陰

寒雲密市雨如綿可是黃梅四月天落葉滿城秋色  
老傲霜三徑菊妝妍晚楓滌垢新承火僵柳抽條似  
泣煙預借一犁春事足農家相慶又明年

和霽亭兄詠古十六韻

賈論新招忌湘蘭欲放歌帝閭非不達鵬翼竟如何

求真是齋詩草

力乏培風厚讒生六月多運程先過海宿食未移柯  
蒼莽羣方戲雲天時卻詭商聲難肅殺隼擊乃蹉跎  
可惜流年迅偏淹九萬過寒霜有落木潦雨尙回波  
楓火烘江浦松操凜谷阿無人問樵牧有客獨吟哦  
渴驥虛憐樂俠腸漫纏軻高才自炎冷世俗異同和  
往事怨叢蕙新篇歎女蘿狙公解茅賦厭女妬宮蛾  
太息心傾竹醞舖酒注螺墓虬宜早辨慎勿忽坡陀  
齋居四詠戲作

樊鶴

仙骨清尤瘦憑誰拘在樊何時淩碧漢曾未寵朱軒  
總有山林癖非甘祿位尊九皋聲不達徒恨嘆天閨

文真是齋詩直一

三三

飯蠅

枉說腥羶集青精亦見過霜威寒不死暖氣引來多  
瓜上人曾厭棘中我欲歌誰當倩塵尾一拂試如何

牆貓

鄰垣高且聳有畜日營生指點唐臣貴何年田畝迎  
狗偷猶欲效鼠竊豈能兵忌器空爭歎主人賢德名

瓦雀

恰喜家家有飛棲得所於固難侔彩鳳曾不失窮廬  
哺啄求非大啣嗽意自舒驚弓應未解卻解笑鯢魚



林野

野色欲明透林表棲鴉宿鳥咸警曉茅屋鐙光人尙  
眠霜蹶匆匆長安道野風撲面寒且森撞鐘伐鼓漏  
罷沈五花重裘果何向海上紅日剛出林

寒十月十四日

顛頭禪元冥造化忽更律天氣乃不通地氣亦墮室  
何況動颯風連宵復竟日今晚風雖晴林木時瑟瑟  
羔狐裹既重酒肉饜既實行飯一啓關暄和颯已失  
皎月好光輝對之增戰慄青女與素娥寒空競甲乙  
轉思路途人布褐誰溫郵乃知溝壑中天折非疾疾

文真老齋詩草上

三

朱門手段奇炎冷異蓬華複道隱回廊曲軒巾密室  
楫楸正高燒唐花列一一銷金羊酒新低歌聲卻逸  
深冬似深春白眼遑他恤我既駭且愚衝寒猶坦率  
指揮顧兔陰寸晷移酉戌惋惜魯陽戈回天果何術  
虛懷學士清徒爲侍兒啞入門自挑鐙且喜富梁梳  
時節冬方嚴夔頭春欲溢斟酌三五杯餘寒借以出

追次明季才女袁君淑睡蝶韻

倦眼尋芳何事忙山村隨意戲韓莊詎憐豔色迷薰  
日誰向春光護繡房葉底棲風魂欲舞花開夢雨曉  
猶香是須珍重佳人扇莫憚千金數刻狂

晤上方山緣上人二首 山在房山縣屬

不見緣公又隔年錫環何日下靈巖相逢色相頻疑  
昨近覺聲聞自異先幾處琳宮宣梵唄從來巖壑有  
眞詮朱浮多少爭榮辱可渡蘆江一葉船

結鴉布衲計春秋月袖霜鞵任去留可有婆禪驚睡  
夢卻無蓮筏渡閒愁兩肩烏兔隨彈指一鉢風雲定  
幾修快睹莊嚴還自失膏梁早已愧林邱

霜鞍

霜鞍載長道趨公漏未殘月華當馬頭照我皮裘單  
漸覺肌生粟旋知鼻已酸貂蟬雖護耳風峭透狐羆

文真老齋詩草一

三

可笑雙雕鐙脚繆不知安兩手亦無力緩轡夜將闌  
策馬馬卻步似怯冰途難我僕更可晒短褐勇據鞍  
凍骨痛欲折偃僂雙眉攢飛霜墮曉暈鬢白霑汗  
茅檐低前屋物化正盤桓闕鐙光大費牖炳如丹  
一聲滯梁韻依稀見拍彈我行願我僕長歌浩永歎  
嗚呼晶輪如鏡光團圓豈不鑿此孤貧寒

冰鞋行 十月廿四日

鐵屐履冰冰不滑捷者如飛劣者蹶平明兩岸集閒  
人多士濟濟爭待發起脚初看魚貫行曲直欲競紛  
馳突兩手輕旋似舞風鐵銳冰堅聲窸窣東西隔絕